

南

詔

野

史

(下)



南詔野史

增訂南詔野史下卷

原藏懷清閣

明四川新都楊慎升菴編輯

大清湖南武陵胡蔚羨門訂正

段氏總管

除天定賢王段興智受封總管七年外

起段信直日

即實

段訖段

世共襲十二世段實

又名信直日

段實於南宋理宗辛酉景定二年蒙古世祖之中統二年

入朝於世祖襲總管賜虎符領大理威楚鄯闡統矢會川

建昌騰越等城自萬戶以下皆受節制南宋理宗癸亥景

定四年為世祖中統四年蒙古設大理都元帥府命昔撒

昔總制鬼國大理兩路理宗甲子景定五年爲世祖至元
元年妖僧舍利威結威楚統矢部闡及三十七蠻部叛實
討之大破於威楚統矢安甯等處又破釋多羅十餘萬衆
於洱河海口南宋度宗丁卯咸淳三年蒙古世祖至元四
年以皇第五子忽哥赤爲雲南五鎮大理至元五年忽哥
赤受命與安南國王討占城真臘南宋度宗咸淳六年世
祖至元七年置大理路軍民總管府南宋度宗辛未咸淳
七年爲蒙古世祖至元八年冬十一月世祖改國號曰元
雲南土忽哥赤爲元帥寶和丁卯元伐金齒縹甸降之

分大理三十七蠻部爲南北中三路遣阿魯忒兒宣撫大
理詔諭諸蠻南宋度宗甲戌咸淳十年元世祖至元十一
年封宗室脫忽魯爲雲南王命雲南行省平章政事賽典
赤建雲南各衙門妖僧舍利威復叛實遣石買等詭爲商
賈執贄往見挺矛鏃殺之梟首於市元世祖賜實白金及
金織紋衣南宋恭宗丙子德佑二年元世祖至元十三年
授實爲大理等處宣撫使緬甸緬甸犯永昌元命納速刺丁

賽典赤之長子
後封延安王

伐之破砦三百四天暑還師復命諸王相

吾答兒右丞太卜參政也罕的斤伐緬招討使怯烈先驅

造舟於阿若阿禾两江進拔江頭太公二城金齒烏蒙皆

降南宋帝昺庚辰祥興二年春二月為元世祖忽必烈之

至元十七年宋亡元入主中國以忽哥赤之子也先帖木

兒為雲南王命忙兀魯征八百媳婦緬敗忽都帖木兒兵

詔思播土官田楊二處兵助討之命征緬官悉聽雲南王

節制至元辛巳十八年實率阿慶入覲元祖嘉其忠晉

大理威楚金齒等處宣慰使元帥陞辭復拜為雲南諸

路行中書省叅知政事留阿慶宿衛東宮至元壬午十九

年實受勅迎征緬師於金齒病卒詔以其弟忠為大理宣

慰使兼管軍民萬戶府贈實爲武定公實任職二十二年

段忠 實之弟

段忠元世祖癸未至元二十年襲是年忠隨元元帥濶木
征叻部兩林蠻及會川等處破賊立功元授忠爲鄯闡酋
賜虎符元置邦牙宣慰司於蒲甘城命雲南王也先帖木
兒率招討使怯烈總兵三千往鎮之忠奉雲南王命伐武
定冬十二月忠卒以實之子阿慶爲大理金齒等處宣慰
使都元帥佩金虎符封宣武將軍晉鎮國上將軍尙公主
遣歸復授雲南行省叅政忠任職一年

段慶即阿實之子

段慶元世祖甲申至元二十一年襲至元二十五年以雲南王也先帖木兒移鎮大理進封營王至元二十七年冬十月封皇孫甘刺麻爲梁王鎮雲南至元二十九年改封梁王甘刺麻爲晉王鎮北邊至元三十年封甘刺麻之子松山鎮雲南至元甲午三十一年世祖崩孫鐵木耳立是爲成宗成宗丙申元貞二年置徹里路即車里軍民宣慰使司令與八百犬牙相制秋八百叛命也先不花征之成宗己亥大德三年雲南水西土官宋隆濟叛貴州知州張懷德戰死

雲南行省麻九兒討之追殺賊首撒月斬首五百級慶奉
勅征交趾平之人朝帶僧左黎同往適成宗病手疽甚黎
以法水洗之立愈帝欲試其術乃掘地窖令八人潛其中
擊鼓佯云有怪召黎治之黎行法頃之不聞鼓聲啟窖視
之則八人已死帝敬其法封爲國師大德四年緬人僧哥
倫作亂緬酋執其兄阿散哥也尋釋去阿散乃率其黨殺
酋酋次子奔憇京師詔遣薛超兀兒率行省兵討之大德
五年金齒八百叛不輸糧殺官吏元命右丞劉深哈刺帶
鄭祐等征之劉深協求水西土婦節金三千兩馬三千匹

土官宋隆濟遂叛圍深等於窮谷中梁王濶閣率兵救解
之冬雲南地大震御史陳天祥諫伐西南夷不報大德七
年罷征八百免右丞劉深官收符印左丞相哈刺哈孫議
深徼名首釁喪師辱國勸帝誅深遂殺之深即往以兵徧
南宋帝昺於謝女峽者大德八年立平雲南碑於點蒼山
順元宣撫宋阿重獲其叛叔宋隆濟朝命陞職賜衣一襲
滇池有蛟化少年淫婦女有神僧趙伽羅者命黑胡神擒
之至暎水見形斬之神即土主也成宗丙午大德十年羅
雄土官阿那龍少叛據越州

今在曲靖府南六十里本
唐之悅州其川名魯望

命

右丞汪惟能討之追至曲靖斬那龍少是年慶卒弟正襲慶任職四十三年

段正 慶之弟

段正元成宗丁未大德十一年襲正招蒙化山中生爨人籍元授正爲泰政仍大理軍民總管晉甯建盤龍寺有神

僧覺照者段氏族人號蓮峯遊東山見龍潭景絕幽勝乃

咒龍令徙龍去水澗建寺其地

蔚按蓮峯僧於順帝之至正末入定塔中

武宗

海山戊申至大元年霪益烏蒙地大震三日竝出至大二

年三月梁王松山有風疾詔封皇第七子西平王奧魯赤

南詔野史 卷五
之孫老的代鎮雲南仁宗愛育黎拔力八達壬子皇慶元年詔罷征八百皇慶癸丑二年冬十月學士李孟奏准開科三年一試時九成殿生芝天下共取士三百名每榜雲南取五名內蒙古二名塞目二名漢人一名以八月二十日初場二十三日次場二十六日三場仁宗乙卯延祐二年十一月封武宗子和世珠爲周王出鎮雲南仁宗丙辰延祐三年正卒慶子隆襲正任職十年

段隆 慶之子

段隆元仁宗丁巳延祐四年襲元授隆爲大理軍民總管

延祐己未六年雲南行省奏夷俗凡土官無子即以妻代
管請聽之詔曰可延祐庚申七年封甘刺麻孫王禪爲雲
南王英宗碩德八喇癸亥至治三年進封王禪爲梁王封
其子帖木兒不花爲雲南王是年八月諸王按梯不花索
羅月魯鐵木兒等及御史大夫鐵失弑帝於南坡行幄九
月泰定帝也孫鐵木兒即位十二月流諸王月魯鐵木兒
於雲南泰定四年洱河有水怪牛豬形短項金睛興水爲
患大理一道人向隆取黃金百鎰隆與之乃以金爲索沉
於河怪即日徙於浪穹寧河按六詔靈源記云寧河無底

明宣德間有漁人李應捕魚網得金索旋得旋斷一漁者
誠之曰可止矣應貪甚儘曳之索將窮驚其怪風浪陡作
應並舟俱溺至今爲患文宗圖帖睦爾庚午至順元年以
豫王阿忒思納失里出鎮雲南諸王禿堅據雲南叛殺廉
訪使自稱雲南王元詔樞密帖木兒討之發朵甘思等處
兵分道進至四川建昌羅羅斯權尋甸府官曲朮集義兵
討禿堅敗賊伯忽於馬龍追至金馬山擒之是年隆以老
退閒子俊襲隆任職十四年

段俊 隆之子

段俊元文宗辛未至順二年襲元授俊爲雲南行省平章
烏撒部奏雲南驛輸征甚苦願屬四川奏下叅政賈敦熙
議之是年俊卒族弟義襲俊任職一年

段義 俊之族弟

段義元文宗壬申至順三年襲朝命止授爲承務郎蒙化
州知州是年阿容禾叛於中慶路義助兵討平之以功陞
叅政九月烏蒙土官祿余寇順元雲南行省遣都事那海
奉詔往諭授余爲叅政冬十一月雲南行省奏國馬每月
上寅日給鹽飲之無病因伯忽叛鹽不給馬多死詔四川

以鹽給之是年義卒隆子光襲義任職一年

段光 隆之子

段光元順帝受權帖睦爾癸酉元統元年襲朝命止授爲
承務郎蒙化州知州番兵作亂孟州判官李生等守白崖
值高蓬新敗番兵乘勝長驅破河尾關光率兵大敗之斬
馘無算河水盡赤爲之不流得戰馬甲仗數千光賦凱旋
詩曰雨鎖金門百里城神州花木管絃聲齊天蒼嶽叅雲
峻界地榆河射月明梵宇三千朝唄朗招提八百夜香清
想沙菩果心無異何患愚夷治不平元統二年光以先與

梁上把匝刺瓦爾密孛羅因分域構隙至是遣張希矯楊

生弘述等發兵攻梁王不勝士卒多死希矯等遁歸順帝

至元元年梁王侵大理光自督兵與戰於昆彌山即今大理府趙

州南之定西嶺梁王大敗凱還侍翰楊天甫作長壽仙曲上光云

蒙氏鍾王氣駕馭萬乘唐南龍光對北金鎖東洱水朝西

點蒼四面固金湯江絲春楊柳岸清古雪霜屏障龍吟梅

破王竹林鶴立菊舒黃四季景如粧此生誠慶幸有眼睹

明王光大喜設宴謝之順帝辛巳至正元年玉案山生小

赤犬羣走如飛段雄正曰此天狗星所化大兵壓境之兆

南召子史 下卷